

ԱՇԽԱՐՀԸ ԵՎ ՆՐԱ ԱՊԱԳԱՆ
ԳՐԻԳՈՐ ՆԱՐԵԿԱՑՈՒ ՊԱՏԿԵՐԱՑՄԱՄԲ

ՀՍՍՀ ԳԱ քղաքակրթից անդամ Վ. Ս. ՆԱԼԲԱՆԴՅԱՆ

1

Գրիգոր Նարեկացու «Մատենան ողբերգութեան» պոեմի, հայ քերթու-
թյան այդ անդուգական հուշարձանի գաղափարական բովանդակության ար-
ժեքավորման, մասնավորապես նրա սոցիալ-հասարակական. հնչողության-
րնութագրման առումով չափազանց հետաքրքրական է պարզել, թե պատմա-
փիլիսոփայական ի՞նչ հայեցակետով, գեղագիտական ի՞նչ սկզբունքներով է
մերձեցել բանաստեղծը ժամանակակից կյանքին, շրջապատող ֆեոդալական
իրականությանը և ինչպիսին է պատկերացրել նա աշխարհի ապագան: Կան-
խավ նկատենք, որ թեև «Նարեկը» գրեթե ամբողջությամբ աստծուն, նրա միա-
ծին որդուն, ինչպես և տիրամորը հասցեագրված աղոթամատույց խոսք է,
բայց այդ երկի գլխավոր առանցքը մաքուն է՝ իր բարդ, առեղծվածային ճա-
կատագրով ու կեցությանը, իր հարուստ հոգեկան ներաշխարհով, հույսերով
ու հույզերով, իր սպասելիքներով ու հիասթափություններով, տարակուսանե-
րով ու տվյալտանքներով, միով բանիվ այն ամենով, ինչը մաքնային է ու-
րյուն է անվանվում: Միանգամայն ակնհայտ է, որ մի այնպիսի վիթխարի զգա-
յուն ստեղծագործական անհատականություն, որպիսին է Գրիգոր Նարեկացին,
հազիվ թե բավարարվեր սուսկ միայն մարդկային հոգու ներհայեցական քըն-
նությունը, նրան շէր կարող չձգել իրական խայտաբղետ ու առինքնող աշխար-
հը, շրջապատող կենդանի, խայտացող իրականությունը, մարդու կենաց բը-
նական միջավայրը կամ, քերթողի խոսքով ասած՝ «ալսւր կենցաղը»: Այս
առումով բացառիկ արժեք է ներկայացնում հատկապես «Ողբերգության մատ-
յանի» մի միտքը, ուր ասես պատասխանելով իր առկա և ապագա (այդ թը-
վում և մերօրյա) ընդդիմախոսներին, Նարեկացին գրել է.

...ի նախնին իմ սովորութիւն,

Յաղաբարձեմ վայրի բնդ Կառաղմունս այսր կենցաղոյս շրջանկեցայ...

(բան Ի, գ)¹:

Միանգամայն աներկբա է Նարեկացու խոսքերի իմաստը՝ ինքն այնքան
և այնպես է «շրջանակված» իրական կյանքի, «այսր կենցաղի» զբաղումնե-
րով, որ իր աղոթանոցում, մենության մեջ աստծու հետ մենախոսելիս, հա-
ղորդակցվելիս անգամ չի կարողանում ազատվել այսրաշխարհային հոգսե-
րից ու առօրյա կենաց շահագրգռություններից²:

¹ «Մատյանից քաղվածքները մեշ ենք բերում բոտ հետևյալ գիտական հրատարակության»-
Գրիգոր Նարեկացի. Մատենան ողբերգութեան, աշխատասիրությանը Պ. Մ. Խաչատըր-
յանի և Ա. Ա. Ղազինյանի. Երևան, 1985:

² Ընդգծված տողը հենց այս իմաստով է վերծանել Գ. Ավետիսյանը, գրելով. «Ի տեղուղ-
աղծվելով կամ աղօթից յաշխարհական զբաղմունս պատասեցայ». Նարեկ աղօթից. համառոտ-
եւ զգուշաւոր լուծմամբ բացայայտեալ միանգամ եւ տլծմ երկրորդ անգամ յաւելուածով. աշ-
խատասիրութեամբ Նորին տեառն Հ. Գարբիէլի Սւետիքեան աթոռակալ վարդապետի. Վենետիկ,
1821, էջ 93, ծան. № 11 (այսուհետեւ՝ Նարեկում): Աննշան տարբերիչ երանգավորումներով:

Հազիվ թե սխալվենք, եթե ասենք, որ Նարեկա վանականի վերոբերյալ միտքը որոշ առումով կարելի է ընկալել նաև որպես ինքնատեսակ գեղագիտական նախադրույթ, որը նպաստում է հասկանալու, թե ժամանակին ինչպես է ընկալել հայ Վերածնության հանճարեղ սկզբնավորողը արվեստի ու ռեալ իրականության (այսրաշխարհային կյանքի) կապն ու փոխհարաբերությունը ժամանակի իրականության ժալալուն պատկերը, իհարկե, «Ողբերգության մատյանում» չկա, և նման խնդիր բնավ չի էլ դրել իր առջև բանաստեղծը։ Թվում է, թե այստեղ միանգամայն այլ է եղել Նարեկացու նպատակն ու գեղագիտական սկզբունքը, որը նա փայլուն կերպով իրացրել է այն հնարավորության սահմաններում, որ ընձեռում էր քնարական ժանրի ստեղծագործությունը։ Իրականության այս կամ այն բնորոշ կողմին անդրադառնալիս Նարեկացին հաճախ բավարարվել է սոսկ սակավաթիվ ու հպանցիկ, բայց արտահայտչական մեծ ուժով օժտված բնութագրություն-ստվերագծերով, որոնք հիմնականում կատարելության հասցված, իրոք, բանաձևի կերպ ունեցող փայլուն խտացումներ են և ամենայն խորությամբ են բացահայտում տվյալ երևույթի բուն էությունը, նրա առավել տիպական հատկանիշները՝ այս ճանապարհով ձեռք բերելով գեղարվեստական վիթխարի ընդհանրացման զորություն։

Ամենից առաջ ինքնին պարզ է, որ բանաստեղծն իր հումանիստական իդեալով ու բարոյաբանական հավատամքով պիտի բախվեր ֆեոդալական բարդ ու ներհակ իրականության հետ։ Եվ միանգամայն օրինալափ է, որ մարդու և մարդկության ճակատագրով խորապես ապրող ու տրվող հումանիստ բանաստեղծի ուշադրությունն առաջին հերթին լեռնվում է դարաշրջանի կյանքի ստվերոտ կողմերի, մարդու կատարելագործմանը, աստվածային էությունը հասնելուն, նրան միաձուլվելուն խանգարող, մարդկային երջանկության ճանապարհն արգելակող երևույթների ու հանգամանքների վրա։ Նարեկացու բնկալումով մարդուն ճնշող ու բարոյալքող մի իրականություն է իր ժամանակի կյանքը, ուր այնքան անհամար են անարդարությունները, արատներն ու չարիքները, որ թվում է, թե վերջնականապես խախտվել է աշխարհում աստծու սահմանած ներդաշնակությունը, չբացել են բարոյական արժեքների գնահատման բնական ու բանական չափանիշները, ցավալիորեն նահանջել է ճշմարտությունը, մարդու առջև ամուր գոցվել են դեպի արդարությունն ու երանությունը տանող ուղիները. ուր ամենուրեք չարիքն է իշխում, «նվազել է արդարությունը», աճել են մեղքերը, պակասել է «իրաւանց կշիռը» և զորացել անիրավությունը, նվազել է «բարիքների բերքը» և լեռնացել է մարդկանց «սխալմունքը». ուր վշտերով է պատած առաքինի երախտավորը, և մոլեգնական հրձվանքի մեջ են բանսարկուն ու շար սատանան... Եվ այս բոլորի հետևանքով խցանվել է մարդու «կենաց աղբյուրը»։ Իր խոհերի համար ընտրելով զարմասնալի խոստում պատկերներ ու համեմատություններ, երբեմն ամեն ինչ իր անձին վերագրելով ու իր անձից խոսելով, բայց ըստ էության աչքի առաջ ունենալով հանրության «այսր կենցաղի» հանգամանքները, բերթողը գրում է.

Արդարութիւնն իմ նուազեալ եւ իսպառ ունայնացեալ,
Մեղանքն յայտնեցեալ եւ յաւէտ առաւելեալ,
Չարիքն իմ մնացական, եւ ես՝ կորստական,
Իրաւանցն կշիռ պակասեալ, եւ անիրաւութիւնն իսկոյն զաւրացեալ,
Բարեացն բեր հալեալ, եւ սխալմունքն արձանացեալ,
Աւանդն կորուսեալ, եւ դատակնիքն այժմէն գտեալ,
Մահուն մուրճակ գծեալ, եւ անտեսացն կտակ եզծեալ,

նույն կերպ են հասկացել Նարեկացու խոսքերի իմաստը նաև Մատթանի աշխարհաբար թարգմանիչները. «Աղոթած միջոցիս կենցաղական մտազրադումներով գրավվեցա...» (Թորգոմ Գուշակյան), «Աղոթավարին մեջ՝ այս կենցաղի զրադումներով շրջանակվեցա...» (Գարեգին Տրապիզունցի), «Աղոթքիս պահին նույնիսկ այս կյանքից չկտրվեցի» (Վազգեն Գևորգյան) և այլն։

Ֆարերարն տխրեցեալ, եւ բանսարկուն ուրախացեալ,
 Հրեշտակաց զունդն թախծեալ, եւ սատանայ խնծղիւք պարեալ,
 Վերնական զարբն ողբացեալ, եւ ստորնայինքն բերկրեցեալ,
 Սպանողին մթեր լցեալ, եւ պահողին զանձն կապտեալ... (բան Դ, բ)։

Բանաստեղծը ժամանակի պատկերը լրացնում է նորանոր ստվերագծերով, ավելի ու ավելի ծավալելով կյանքի բացասական երևույթների ու նրանց կրողների շրջանակները։ Նարեկացուն մասնավորապես զբաղեցնում են «հոգուց համայնից» ապականողները, պատուհասների գլխավորները՝

Կորձանիչն եւ հնազանդեալք իւր,
 Բռնաւորն եւ յելուզակք իւր,
 Գողոզն եւ սպառազլնք իւր,
 Աւազակապետն եւ զումարտակք իւր...
 Արդ, այսոքիկ պետք են զլխաւորութեանց՝
 Ապականողաց ոգւոց համայնից,
 Դասեալք ընդ ինքեամբք նուաճութիւնք մասանց,
 Իւրաքանչիւր որ ի սոցանի՝ բիւրք բիւրուց եւ հազարք հազարաց,
 Իսկ զհամայնիցս թիւ նա միայն զաւրէ իմանալ,
 Որ զառ ի մէնջ շէութիւնն դրեալ՝
 Իրր զէութիւն գործոց տեսանէ (բան Զ, դ, Ե)։

Հատուկ ուշադրության է արժանի այն պարագան, որ այստեղ Նարեկացին վկայակոչում է ոչ այլ ոքի, քան հենց իրենց՝ սովորական մահկանացու «երկրածիններին», որոնք բոլորից լավ են ծանոթ մարդու տառապանքներին, քառ գիտեն կյանքը և իրենց իսկ փորձով կարող են անձամբ հաստատել, որ իր, բանաստեղծի խոսքերը աշխարհում տիրող պատուհաս-չարիքների ու նրանց գլխավորների մասին ամենևին էլ ինքնահնար, մտացածին չեն («...Թե ոչ ընդունայն ինչ գրեցի...»), այլ ամբողջովին իսկություն են, և որ ինքը ղեռն չի ասել ողջ ճշմարտությունը դրանց բոլորի մասին՝ ընթերցողին թողնելով քննախուզելու («Իմաստասիրելու») գործը մնացածների վերաբերյալ։

Եւ արդ, եթէ ոք զանձն ոչ խաբեսցէ,
 Եւ առ երեսս ոչ կերպարանեսցի,
 Եւ կեղծաւորարար ոչ անհաւատեսցէ,
 Եւ մարդ զինքն ծանիցէ,
 Եւ հասարակաց բնութեամբ վարեսցի,
 Եւ երկրածին զանձն դիտեսցէ,
 Եւ ի շափ իւրում կանոնին կացցէ,
 Իմասցի, ծանիցէ զնախաթիւ մասունս արկածիցդ վերադրելոց,
 Թէ ոչ ընդունայն ինչ գրեցի
 Եւ կամ զբնաւ իսկութիւնն սահմանեցի,
 Որ ի մերս բնութեան պտուտկի ազգի ազգի վրիպականութիւն,
 Այլ ի բիւրուցն արգասեաց շարեաց շափ մի երեւցուցի,
 Զի նոքաւք եւ զայլսն իմաստասիրեսցիք,
 Թէպէտ եւ ոչ բովանդակապէս (բան Զ, Ե)։

Այսպիսին է, ահա, աշխարհը Նարեկացու ընկալումով։ Միանգամայն պարզ է, որ այս իրականությունը բնավ չէր ներդաշնակում ոչ բանաստեղծի քրիստոնեական համոզմունքներին և ոչ էլ առավելապես նրա հումանիստական իդեալին, փրկիսփայլական, սոցիալ-հասարակական և բարոյական սկզբունքներին։ Եվ ահա հանուն իր հումանիստական իդեալի, հանուն մարդու (և ողջ մարդկային ցեղի) փրկության գերագույն նպատակի, Նարեկացին շիկացած Լերկաթով խարանում, անարգանքի սյունին է գամում իրական կյանքի մերժելի բարքերն ու նրանց կրողներին, հասարակության ամենատարբեր խավերի բնորոշ արատները՝ չխնայելով անգամ իրեն այնքան սրտամոտ ու կարեկցանքի արժանի «ոռամիկ ինքնագործին» ու մշակ-շինականին։ Հիրավի,

որ ասես, որ բանաստեղծի թվարկումներում չի հանդիպում ընթերցողը. այստեղ են «ծովակուր» ավազակն ու «նենգավոր» զինվորը, «ստորնաքար» քեմակականն ու «անկնդրուկ» քահանան, «անուէր» աւրինականն ու «կամակոր» մատակարարը, «դողամիտ» հազարապետն ու «նենգավոր» խորհրդակիցը, «շուայտեալ» շահարարն ու «վատնիչ» վաճառականը, «արբեցող» պաշտոնյան ու «անաւրէն» «դիվանապետը», «թարմատար» թագավորը, «ոգեկործան կայսրն» ու «ակնառու» դատավորը և այլն, և այլն, որոնց պատճառով է, որ, ինչպես կարծում է բանաստեղծը, տականւիրա է եղել, ասես գրել-խիվայր է շուռ եկել աստծու ստեղծած գեղեցիկ աշխարհը, ուր այժմ՝

Չար անփոփոխ, բարեմասնութիւն սասանեալ
Անձն տարագիր, աւանդ վաճառեալ...
Աւազակ ծովակուր, զինուոր նենգաւոր,
Մարտիկ անպատրաստ, սպառազէն անժուժկալ,
Մշակ հեղաջեալ, ազաթական անխրախոս,
Բեմական ստորնաքար, քահանայ անկնդրուկ,
Աւրինական անուէր, դպիր կշտամբեալ,
Իմաստակ խելագար, ճարտասան անճոռնի...
Մեծութիւն վատթարեալ, վայելչութիւն անշքեալ, կարողութիւն տկարացեալ...
Պատուիրանազանցութիւն յարակայ, սխալանք ինքնակամ,
Մատակարար կամակոր, խորհրդակից նենգաւոր, բարեկամ հատուածեալ,
Հազարապետ զողամիտ, մերձաւոր կծծի,
Բաշխող ժլատ, վերատեսուչ կարկամ...
Վաճառական վատնիչ, շահարար շուայտեալ,
Պաշտաւենայ արբեցող, գանձուց ոստիկան երկմիտ,
Պատգամաւոր բանսարկու, դռնապան քնէած.
Աղբատ հպարտ, մեծատուն ժխտող,
Դիւանապետ անաւրէն, պահապան մատնիչ, բնակակից շարախաւ...
Արքայ արտալած, թագաւոր թարմատար, կայսր ոգեկործան,
Իշխան տիրադաւ, դաւրավար զրկող,
Դատաւոր ակնառու, ռամիկ ինքնագործ... (բան ԾԶ, ա)՝

Փոփոխելով շեշտադրութիւնը, բանաստեղծն իրականութեան պատկերը լրացնում է նոր հատկանիշներ բացահայտելով, նոր արատներ մատնանշելով.

Եթէ զինուոր տեսանեմ՝ մահու ակն ունիմ,
Եթէ պատգամաւոր՝ խստութեան,
Եթէ մատենադէտ՝ մուրհակի կորստեան,
Եթէ աւրինաւոր՝ անիծից,
Եթէ անտարանական՝ փողոյ ոտիցն թաթափելոյ,
Եթէ բարեկրան՝ յանդիմանութեան... (բան ԻԳ, գ)³:

«Նարեկի» այս հատվածները, որոնք, ի դեպ, շատ հետաքրքրական են նաև բանաստեղծի պոետիկայի տեսակետից և վկայում են նրա՝ դիպուկ ու տարողունակ էպիտոն-բնութագրությունների հանձարեղ վարպետությունը, զարմանալիորեն ձայնակցում են ժամանակի պատմական սկզբնաղբյուրների տված վկայություններին: Որպես օրինակ վերհիշենք Արիստակես Լաստիվերտցու մի վկայությունը. «...Արդարութեան օրէնքն յանիրաւութիւն դարձաւ, և յարգի եղև արծաթասիրութիւն քան զաստուածասիրութիւն, և մամոնայ քան զՔրիստոս. յայնժամ ամենայն համեստութիւն կարդաց զառածեալ՝ յանկարգութիւն դարձաւ: Իշխանք սորա (Արծն քաղաքի—Վ. Ն.) գողակիցք եղեն գողոց, վրիժագործք և արծաթոյ ծառայք. դատաւորք սորա կաշառառուք և վասն

³ «Ողբերգության մատյանից» մեշ բերված այս և նախորդ հատվածի ճիշտ մեկնարանությունը տվել է Մ. Մկրյանը: Տե՛ս նրա՝ Գրիգոր Նարեկացի. Երևան, 1955, էջ 197—201:

կաշառոյ գողանային զիրաւունս. դատաստան որբոց ոչ առնէին, և յիրաւունս ալրեաց ոչ խոնարհէին: Վաշխից և տոկոսեաց օրէնք եղան, և ցորենոյ բազմապատկութիւն, որով երկիր պղծի և արգելու զարգանդ առ ի տալոյ զպտուղ ի ժամու իւրում առ ի կերակուր մարդկան: Որ խաբէր զընկերն՝ պարծէր ի մաստուն գոլ, և որ յափշտակէր՝ ասէր. Նս հզօր եմ: Զտունս տնակից աղքատացն, և զսահմանս անդաստանաց նոցա յափշտակէին մեծատունքն...»⁴:

Նկատենք նաև, որ «Մատենան ողբերգութեան» պոեմից վերը մեջ բերված հատվածները թե՛ իրենց բովանդակությամբ և թե՛ հյուսվածքի ոճով զարմանալի հիշեցնում են Քերթովաչայր Մովսես Նորենացու «Ողբեր», այնքան, որ թվում է բավականաչափ հիմքեր են տալիս խոսելու եթե ոչ կրած ուղղակի ազդեցության, ապա գեթ մեր ազգային դպրության երկու խոշորագույն դեմքերի պատմափիլիսոփայական ընկալումների ու գեղագիտական սկզբունքների ապշեցուցիչ ընդհանրությունների ու նմանությունների մասին: Համեմատության համար հարկ ենք համարում մեջ բերել «Ողբերից» մի քանի բնորոշ կտոր. «Վարդապետք տխմարք և ինքնահաճք, անձամբ առեալ պատիւ և ոչ յԱստուծոյ կոչեցեալ. արծաթով ընտրեալք և ոչ Հոգւով. ոսկեսէրք, նախանձոտք, թողեալ զհնգութիւն, յորում Աստուած բնակէ, և զայլք եղեալ՝ զիւրեանց հօտս դիշատկով: Կրօնաւորք կեղծաւորք, անձնացոյցք, սնափառք, պատուասէրք քան թէ աստուածասէրք: Վիճակաւորք հպարտք, դատարկակացք, զրաբանք, ծոյլք, ատեցողք արուեստից և վարդապետական բանից, սիրողք վաճառաց և կատակերգութեանց: Աշակերտք հեղձք առ ուսումն և փոյթք առ ի վարդապետել... Ժողովրդականք վէսք, ստահակք, մեծախօսք, անվաստակք, արբեցողք, վնասակարք, փախողք ի ժառանգութենէ: Զօրականք առնարիք, սնապարծք, զինատեսցք, պղծողք, հեշտասէրք, անժուժկալք, կողոպտիչք... Իշխանք ապստամբք, գողակիցք գողոց, կծիւք, կծծիւք, ժլատք, ագահք, յափշտակողք, աշխարհաւերք, աղտեղասէրք, ծառայիցն համամիտք: Դատաւորք տմարդիք, սուտք, խաբողք, կաշառառուք, անբնտրողք իրաւանց, անհաստատք, հակառակողք: Եւ բարձումն առ հասարակ յամենեցունց սիրոյ և ամօթոյ»⁵:

«Նարեկից» վերը բաղվածաբար մեջ բերված հատվածներում պարզորոշ դրսևորվել է նրա հանճարեղ հեղինակի ինքնատիպ քննադատական հայացքը ժամանակի իրականության առավել բնորոշ երևույթների նկատմամբ: Այդ և նման տեղիները մի նոր կողմից են բնութագրում «Նարեկը», մեծապես բարձրացնում են այդ նշանավոր գրական հուշարձանի սոցիալ-հասարակական արժեքն ու հնչեղությունը:

Նարեկացու ընկալումով աշխարհում այնքան շատ են հասարակական չարիքներն ու արատները, անարդարություններն ու տառապանքները, որ բանաստեղծը, իր սմահվան մուրհակը՝ գրված համարելով, մեծագույն ցավ ու ափսոսանք է ապրում անգամ իր ծնվելու, լույս աշխարհ գալու առթիվ:

Եւ արդ, ո՞չ ապաքէն ըղձալի էր,
Ըստ Գրոյն կանխութեան նախաձայնելոյ,
Ո՞չ ստեղծանիլն երբէք յարգանդի
Եւ ո՞չ նկարիլն յորովայնի,
Ո՞չ ի ծնունդ յառաջագայիլ
Եւ ո՞չ ի լոյս կենաց հասանիլ,
Ո՞չ ի թիւ մարդկան գրիլ
Եւ ո՞չ ի հասակ աճման ամբառնալ... (բան Դ, գ):

⁴ Պատմություն Արիստակիսի Լաստիվերտոյ, աշխատասիրությամբ Կ. Ն. Յուդրաշյանի. Երևան, 1963, էջ 75:

⁵ Մովսիսի Նորենացու Պատմություն Հայոց, աշխատութեամբ Մ. Աբեղյան և Ս. Հարությունյան. Տփղիս, 1913, էջ 363—364:

Աշխարհով մեկ տարածված հազարավոր, բյուրավոր ու այլազան անխ՝
րավությունները, անարդարությունները, շարիքներն ու արատներն են պատ-
ճառը, որ մարդ-արարածը չի կարողանում հասնել իր նվիրական իդեալի կա-
տարմանը, չի գտնում բաղձալի երանությունն ու երջանկությունը: Քերթողի-
ընկալումով ծայր աստիճան չկարգավորված, աններդաշնակ է աշխարհը, և
թվում է, թե աշխարհի այս վիճակը և այն շտկելու անհնարինությունն է գուցե
անուղղակի դատապարտում իր խաղը կրող քերթողը, երբ գրում է.

Ու յառեցի զակն ոգոյս ի զուխն իմ կենաց Քրիստոս,
Որով ընդ ուղիղն հետեւեցայց,
Քանզի կամելով ուժգինս ընթանալ՝ ընկլայ սաստկապէս,
Յանշափն ձգտիլ՝ իմոյն ոչ հասի,
Ի մեծագոյնն ամբառնալ՝ աստուտ զլորեցայ,
Յերկնային ուղւոյն՝ անդնգոց մատնեցայ,
Ի զգուշանալն առաւել՝ յաւէտ վնասեցայ,
Յանարատն պահիլ՝ մանր խորտակեցայ,
Կարծելով ընդ ահակն մրցիլ՝ յաշն գթեցի... (բան ԾԾ, գ):

Աշխարհում տառապող մարդու ողբերգական ճակատագիրն ու ապրում-
ներն առավել ռելիեֆ ներկայացնելու նպատակով Նարեկացին կերտել է մեկը
մյուսից ինքնատիպ ու տպավորիչ, մեկը մյուսից ազդու և խոսուն, հաճախ
խիստ արտասովոր պատկերներ, որոնց շարքում իր արտահայտչական վիթ-
խարի ուժով առանձնանում է հոգեբանական նուրբ դիտարկումներով հագեց-
ված մրկածուփ ծովում նավաբեկութունից խորտակվող նավին նմանվող իր
տանջված ու բզկռված հոգու այլաբանական կենդանի պատկերը, բանաստեղ-
ծական արվեստի մի շլացուցիչ կտավ, որ առհասարակ հայ քերթության ա-
մենափայլուն հայտնությունների շարքին կարելի է դասել.

Այն զի ծով է ինձ ծփանաց
Կենցաղոյս բերմունք յոյժ նմանագոյն,
Յորում կոհակաւք բազմաւք անթիւ դիմեցմանց
Տառանեալ հոգիս ի յայսմ աշխարհի՝
Մարմնոյս շինուածով, իրր ի նաւակի:
Զոր ծնայիսս մարգարէ զյանկարծաղէպ կատարածն,
Որ ի պարսկականն հինից,
Ծրուաղեմի եւ Սամարիայ կործանմանն,
Նմանութեամբ այսր աւրինակի կերպաւորեցոյց,
Որ եւ առ իմս հոգեւորական խորտակումն զուգաձայնել ոչ է սխալական
(բան ԻԾ, ա):

Սրան հետևում է նավի խորտակման անկրկնելի, իր տեսակի մեջ, իրոք-
եզակի նկարագրությունը, որ հարկ ենք համարում ստորև մեջ բերել ամբող-
ջությամբ.

Քեւոցն ձեռնարկութիւն քայքայեցաւ,
Կայմն ամբարձման ի կայից իւրոց խլեցաւ,
Առազաստին թռչարան յանկարկատելի ծուէնս պատառեցաւ,
Շինուածոյն շուք անզարգեցաւ,
Առասանք ձգողականացն խզեցաւ,
Տեսարան զլիսոյն դիտակի խոնարհեցաւ,
Ապաւանդակին պարան կտրեցաւ,
Ապաւինութիւն խարսխին լուծաւ,
Լուծք ստուարք ամուլիցն կցորդութեան բաժանեցան,
Սամիք ուղղացն հետոց գալարեցան,
Լաստ հիմանն հաստարանի ընկղմեցաւ,

Ղեկացն կառուցմունք անդրէն սուզան,
 Զուտն յարմարութիւնք պակասեցան,
 Ողնափայտին պատսպարան իսկոյն բեկաւ,
 Կապարանք զստին հաստուածոյ յաւառեցաւ,
 Գոգք ամփոփման ծոցոյն կազմածոյ անարգեցան,
 Խելք շրթանցն եղերաց խախտեալ ոստեաւ,
 Պաղպաղունք բազմականացն անկեալ բարձաւ,
 Վանդակապատին վայելչութիւն յատակեցաւ,
 Գաւառակին հանգստարանն շփոթեցաւ,
 Մածմունք տախտակաշարք ի միաբանութեանց միմեանց անջատեցան,
 Հեղոյսը պնդման ընկռացն քարշեցան (բան ԻԾ, Բ)⁶։

Հապա որքան կենդանի, նուրբ և հուզիչ է իր թշվառ վիճակը ժձեռն ի ծնաւորի եղեալս աղեկտուր ողբացող, նավաբեկութիւնից խորտակված նավի (որ այլաբանորեն խորհրդանշում է բանաստեղծի հոգին) «նավուղիդի» (նավավարի) հոգեկան ծանր ապրումների իրապատում փայլուն նկարագիրը, որ, իրոք, վրձնելու արժանի մի հրաշալի պատկեր է։

Արդասիբ իրին յիշատակարան ոգոց ինձ նմանեցաւ,
 Նաւուղիդն հանդիպ նաւին դեղերեալ ողբալ,
 Զեռն ի ծնաւորի եղեալ՝ արտասուաց զեռն իջուցանէ,
 Նշմարք սակաւ մնացուածոցն, ի ծայրից՝ ծփմանց ազդելոյ ծովուն,
 Իրը խողխողեալ բանաւոր, ողորմագին թախծանաւք հեծէ,
 Վասն դի թէ՛ դրարի նաւապետն Երկնաւորաբն զաւրաւք յաշխարհիս ծովու
 Առ ի գխորտակեալս իմ տապան իմանալի գոյութեանս
 Անցէ աշխարհը բանիս յարմարութիւն,
 Ոչ ինչ վրիպեցէ ի ստուգութենէ (բան ԻԾ, Գ)⁷։

Վերհիշելով «Ողբերգութեան մատյանի» նավաբեկութեան հատվածը, Գրեգորի Տրապիզոնին նկատել է. «Ուշինչ այսքան մարդկային, բայց ոչինչ նաև այսքան աստվածային, առաջինը իր ջարդուհիշուր նավի բեկորներով՝ «խռոված ծովուն ալեծուփ կատարներուն վրա» տարուբեր, երկրորդը իր «ուզված Գութով» ուսկից հծծող «ողորմագին թախծանքի» հեծքը ծեծկվող կոհակներու մոռնչին հետ կը խառնվի քնարական ա՛յնքան սրտառու էրաժշտութեամբ»⁸։ Իրոք, բանաստեղծական բարձր արվեստի մի սքանչելի նմուշ է սա, յուրաքանչեւ մի ընդհանրացում, ուր անդրադարձված է ոչ միայն իր՝ բանաստեղծի, այլև իր նման հազարավոր ու բյուրավոր տառապալնների անել կացութիւնը ֆեոդալական աշխարհի հեղձուցիչ մթնոլորտում։ Եվ այսուամենայնիվ՝ դա քերթողին չի նետում հուսահատութեան գիրկը, չի վհատեցնում, անհույս ողբա-

⁶ Այս հատվածի առթիվ ուղագրով մեկնաբանություն է տվել Նարեկացիագետ Պ. Խաչատրյանը, որի հավաստումով այս պատկերը «դրական որեւէ սկզբնաղբյուր չունի»։ «Նավը կազմող մասերը, — գրում է հետազոտողը, — սրանց իրերահաջորդ խզումն ու բաժանումը, բեկումն ու դալարումը, պատառոտումն ու քայքայումը, ոստումն ու խոնարհումը, ընկղմումն ու սուզումը այնպիսի մանրակրկիտությամբ, ճշգրտությամբ և անկման տրամաբանական աստիճանավորումներով են պատկերված, որ Նարեկացու իմացությունն ու երեակայության ուժը դարձանք Լն պատճառում։ Բանաստեղծը Թվում է նավի բաղկացուցիչներ, որոնք ճանաչված անձուկ խցի մեջ ամփոփված նարեկա վանականը երբեք չէր կարող իմանալ Գեղարվեստական այդ անթերի նկարագրության հետ թերեւս կարող է մրցել միայն սալիկի պատկերը նրա նշանավոր «Տաղ Յարութեան» Լրգում» (Գրիգոր Նարեկացի. Մատենան ողբերգութեան, էջ 1013, ծան. № 2)։

⁷ Տեքստում մեջբերված հատվածների մասին տե՛ս Նարեկում, է. 116—118, ծան. № 6—25։ Գրիգոր Նարեկացի. Մատենան ողբերգութեան, էջ 1012—1014, ծան. № 2—8։

⁸ Նարեկ. Մատենան ողբերգութեան ս. Գրիգոր Նարեկացիի, գրաբար բնագրի հանդիպազերությունը աշխարհաբարի վերածնեց Գրեգորի եպիսկոպոս Տրապիզոնի. Պուենոս Այրես, 1949, էջ Ի։

սաց չի դարձնում նրան, և հենց իր երկի սկզբում՝ Նարեկացին փաստորեն նախանշում է իր դիրքորոշումը՝ առհասարակ ապարդյուն ու անշահ նկատելով անընդհատ հեծեծանքն ու ողբը.

Իսկ արդ, զի՞նչ բարութ դոյ առ այս,
 Եւ կամ ո՞ր ազուտ ինձ առ սոյն՝
 Զայս սահման ընթացից ձայնիս հեծութեան լքանել,
 Եւ ոչ զամբարեալ շարաւ մահացու վիրիս
 Խարանաւ բանիս արտաքս հերքել... (բան Զ, ա)՝

Որքան էլ քերթողը անիմաստ ու անշահաբեր է համարում հուսարեկվելը, այնուամենայնիվ, նրա խոցված ու տառապած սիրտը վերստին մաշում, խռովում են անհամար տագնապներն ու տարակույսները—կողջանա՞ արդյոք իր հոգու փշրված նավը, իր համար կբացվի՞ արդյոք փրկության գոցված դուռը: Եվ այդ հոգեմաշ տագնապներն ու տարակույսները, արտահայտման տարբեր ձևեր ընդունելով, անցնում են Նարեկացու «Ողբերգության մատյանի» ամբողջ ընթացքով: Նկատենք, ի դեպ, որ այստեղ քերթողը ավելի հաճախ է դիմում հատկապես ճարտասանական հարցի հնարանքին, որը լավագույնս ներդաշնակում է նրա բազմաբարդ ու ներհակ խոհերին և որի շնորհիվ բացառիկ հուզական լիցք է ստանում բանաստեղծի խոսքը: Ճարտասանական հարցերը հաջորդում են մեկը մյուսին, բուռն թափով կուտակվում միմյանց վրա՝ սուռաշ բերելով մտքի անկրկնելի խտացումներ, հուլզերի վիթխարի շիկացում.

Արդ, իցե՞ թէ յաւելից հայել զբազմախորտակելի տապանակ մարմնոյս
 իմոյ նորոգեալ,
 Իցե՞ արգելք տեսանել զփշրեալս նաւ ողբալի հոգւոյս ողջացեալ,
 Իցե՞ արգելք տեսանել զբաժանեցեալս միշոցաւ մեծաւ վերստին կցեալ,
 Իցե՞ արգելք տեսանել զյոզնաթախիծ սիրտ վշտացելոյս բերկոցեալ:
 Արդ, իցե՞ ակն ունել նայել զյաւէտ խաթարեալ կերպարան բնութեանո
 կրկին հանդերձեալ...

Նորանոր երկմտանքներ, տարակույսներ են պաշարում քերթողին.

Եթէ լինիցի՞ խաւարասնունդս մթացելոյ ծագման առաւաւտ,
 Եթէ հասցի՞ տեսանել զտագնապեալս մշտասառոյց յեղանակս զարնանն մաւտ,
 Եթէ տեսի՞ց զցաւդ անձրեւոյն կանաչացուցանողն հոգւոց ինձ արաւտ,
 Եթէ իցե՞ երբէք նկատել զգազանարեկ հերքելի ոչխարս վերստին կամաց
 զթութեան քո հաւտ (բան ԻԵ, դ)՝

Բայց որքան էլ անափ ու անչափ են թվում կյանքի շարիքներն ու դառնությունները և դրանցից ծնված մարդկային տառապանքները, որքան էլ խորն են բանաստեղծի տարակույսները, որչափ էլ ամուր է փակված փրկության դուռը, այնուամենայնիվ հումանիստական իդեալի մեծ նվիրյալը իսպառ չի կորցնում գալիքի հեռանկարն ու փրկագործվելու ակնկալիքը, ձեռքից բաց չի թողնում փրկության օղակը, և խորապես հավատում է, որ վերջիվերջո մարդու համար պահված է «նշոյլ յիշատակի փրկութեան յուսոյ...»: Ահա Նալբանդյան «Ողբերգության մատյանի» մեծ խորհուրդը.

Զարմանամ, թէ զիա՞րդ ոչ կիզում,
 Հիանամ, թէ ի՞բր ոչ այրիմ,
 Ապշիմ, թէ ո՞րպէս ոչ յափշտակիմ՝
 Տանջեալ, լքեալ, շարշարեալ, չաղխեալ
 Մանրեալ, խորտակեալ, կտրեալ, բաժանեալ
 Ի յաւրինակէ ժանեաց կորուսչին, ըստ Գրոյն:

Այլ այս միայն է օղբնեղեալ ինձ
Նշոյլ յիշատակի փրկութեան յուսոյ... (բան ԼԳ, գ):

«Փրկութեան հույսի» այս լուսավոր շողն էլ հենց պայմանավորում է «Ողբերգութեան մատյանի» ինքնատիպ լավատեսական շունչը, նրա վիթխարի հոգեպարար ամոքիչ ողին, որին դարեր շարունակ ապավինել, որով գերվել է մի ամբողջ աղբյուր (Հիշենք, որ հայոց մեջ «Նարեկն» իր պաշտամունքով, ըստ էության չի գիշեր անդամ Ս. Գրգին):

Եվ միանգամայն հասկանալի է, թե ինչու փրկութեան գաղափարին ողջովին ապավինած քերթողը իր մատյանը համարել է ոչ թե ողբի և հուսալքումի, այլ՝ փրկութեան հույսի ու հավատի գիրք, յուրատեսակ «կենաց դեղ» աշխարհում տառապող բոլոր տագնապալներին ու նեղյալների համար, նրանց պատվիրելով՝

Եթե վտանգ մա՞նու անձնական ցաւոց զոք պաշարեսցէ,
Դացե՛լ՝ փրկութիւն սովաւ առ ի յոյս կենաց՝
Յազաւթնն առ բեզ, կեցուցիչ:
Եթէ տագնապաւ որ տարակուսի ի սիրտ խոցիցի,
Քաղցրութեամբ քո սովաւ ապրեալ ողջասցի՛...
Եթէ սլա՞պանակն վստահութեան զանձն ուրոր լքցէ,
Ընկալցի՛ այսու միշնորդիւ ձեռն քո զնա՝
Ամիսփաւ ի նոյն հաստատութիւն:
Եթէ ամայի ի զգուշութենէ պահողացն որ դեգերեսցի,
Ուսուցե՛լ՝ սովիմբ առ ի նոյն դարձ նորոգողիդ:
Եթէ սարսուռ դիւային շերման դողութեամբ ինչ զոք խոռվեսցէ,
Սթափեսցի՛ ի սոյն յայս նշան... (բան Գ, գ):

Վերհիշենք նաև իր «Ողբերգութեան մատյանին» վերաբերող աղերսն առ «Հակահեթումն անկասելի» աստծուն.

Եւ առաջես յինչ ղեղ կենաց
Առ հնարս ցաւոց հոգւոց եւ մարմնոց քոց ստեղծութեանց,
Հայս կարդեալ սահման ողորց մատենի՝
Սկոյննցիւ յանուն քո, բարձրեալ (բան Գ, ե):

Նարեկացու քերթվածի լավատեսական ոգին ժամանակին նշմարել ու ընդգծել է Միսաք Մեծարենցը՝ հանձարեղ բանաստեղծի ստեղծագործության լավագույն մեկնաբանը. «...Բայց բոլոր այս խավարներուն ու մշուշներուն, ծփծփումներուն ու հորձաններուն ետին, — գրել է նա, — հավիտենական երջանիկ, անշիջանելի գաղափարը կա պահված. և կու գա կամքի ու գիտակցութեան արևոտ այն վայրկյանն ալ՝ որ երջանիկ ձայնարկությունը կլսվի. «Տօնե՛ւա՛ ղկե՛ալս կորուսելոյս վերնականացն պարերգութեամբս: Եվ այս վայրէջանը...»»⁹:

Զկարգավորված, աններդաշնակ ու դաժան իրականությանը, կյանքի անբավ շարիքներին ու դառնություններին Նարեկացին հակադրել է իր «Մատյանի» սփոփող ու ամոքիչ ոգին և հուսադրիչ էությունը, որի՝ Միսաք Մեծարենցի տված խորապես ճշմարտացի բնութագրությանը միացել են այլ նարեկացիագետներ ես, որոնց շարքում հարկ կհամարենք առանձնացնել հատկապես «Նարեկի» աշխարհաբար թարգմանիչ Գարեգին Տրապիղունին, որը ըստ ամենայնի թափանցելով այդ խորախորհուրդ ստեղծագործության նվիրական գաղտնիքների մեջ, այն հաստատելով Նարեկացու լեզուն է եկել, որ «...սխալ է դարձյալ... խորհիլ, թե Նարեկացիի Ողբերգությունը անբուժելի

⁹ Միսաք Մեծարենց. Երկերի լիակատար ժողովածու. Երևան, 1981, էջ 270:

հոռետեսության հիվանդագին շունչով է թաթախված...», «Ո՛չ,— պնդում է գիտնականը,— Նալբանդյանը հրաշալի լավատես մըն է, քան սպառազինված մարտիկ մը իր կովին մեջ՝ հաղթանակին հավատովն ապահով... Առանց այս առողջ լավատեսության՝ ի՞ր քնարը պիտի շտառ մեզի իր Ողբերգությունը: Ան ծնունդ է ոչ թե պարտության, այլ հաղթության ոգիին»—ահա Տբապիզոնի աներեր համոզմունքը¹⁰։ Հազիվ թե վիճելի համարվի հմուտ նարեկացի-գետի փոքր-ինչ զգացումնային, բայց իր հիմքով ճշմարտացի այս եզրահանգումը։

Ինքնին հասկանալի է և հատուկ ապացուցման կարիք չունի այն, որ Նալբանդյանը չբավարարվածությունը ժամանակակից իրականությունից, առավել ևս նրա քննադատական վերաբերմունքը այդ իրականության նկատմամբ, բընավ չի կարելի գնահատել որպես ապացույց բերթողի «աշխարհամերժ» մըտայնության։ Նման գաղափարը խորթ է Նալբանդյան համար։ Քննադատելով ժամանակակից իրականության խոտելի կողմերը, բանաստեղծը ձգտում է հասնել դրանց վերացմանը, կյանքի այնպիսի պայմանների ստեղծմանը, ուր աստծու ստեղծած մարդը կարողանա արժանանալ իր նվիրական բաղձանքների իրականացմանը։ Կարող ենք ասել, որ իրականության նկատմամբ քննադատական վերաբերմունքով բանաստեղծը մեկ այլ կողմից է վավերացնում իրական կյանքի նկատմամբ մարդու իրավունքի հաստատման խորագրեւ մարդկային ձգտումը, որը, ինչպես ցույց ենք տվել, հանդիսանում է մահն իրենից վճռաբար վանող և կյանքին ամուր կառչած բանաստեղծի աշխարհայեցողության մի կարևոր մտադրությւնը¹¹։

Իրականության ընկալման Նալբանդյան պատմափիլիսոփայական ելակետների ու գեղարվեստական արտացոլման սկզբունքների հարցը քննելիս հարկ է ուշադրություն դարձնել մի հանգամանքի վրա ևս։ Նկատենք, որ բանաստեղծի տաղերի ուշագիշտ քննությունը ի հայտ է բերում բերթողի աշխարհընկալման մի կարևոր կողմը։ Քննարական այդ անզուգական բերթվածների բանաստեղծական այլաբանական պատկերների մեջ, հիմնական, ցույցնում է մի զարմանալի զվարթ հայացք, յուրատիպ մի հիացք իրական աշխարհի (ուշ միջնադարի հայ տաղերգուի բնորոշումով՝ այդ «ուրախարար տեղի») նկատմամբ։ «Ողբերգության մատյանում» նույն իրողությունը բացահայտվում է մի նոր կողմից։ Թեև արժեքներն ու մեթոդներն ուղիղորդված են իրականության միանգամայն օտար է իրական կյանքի ընկալման միագիծ ու միանշանակ մոտեցումը։ Կյանքը բանաստեղծն ընկալում է փիլիսոփայական շատ ավելի լայն հայացքով՝ քան մինչև հիմա մենք հասկացել ենք։ Իրական աշխարհը նրա դիտումով ոչ միայն վատի, չարի, արատավորի համակ թագավորություն է (այլապես, իրավ, անիմաստ կլինեի Նալբանդյան կյանքի նրկատմամբ մարդու իրավունքի հաստատման համառ ձգտումը), այլ աստծու ստեղծած կյանքն ու աշխարհը բանաստեղծին ներկայանում են որպես ներհակ վիճակների, լույսի ու ստվերի, խայտաբղետ, տարատեսակ ու իրարամերժ երևույթների և հատկությունների բովանդակալից, հարուստ ու զարմանահրաշ մի ամբողջություն, որի մասին նա գրում է.

Յորս է տեսնել ի մէջ արջնատես ագռաւոց՝ սպիտականիշ երամս աղանեաց,
Ի մէջ խրոխտականաց ձիոց անմաքից՝ որոշս հանգարտաբարս,
Ի թիւս շանց գաղանականաց՝ գառինս նուիրելիս,
Հեղուքին՝ ի խստութեան, կատարելովին՝ ի թերութեան,
Խոնարհութին՝ յամբարհաւաճութեան, ճշմարտութին՝ ի ստութեան,
Միամտութին՝ ի մանկութեան, անբծութին՝ յալամտութեան,
Բարութիւն՝ ի շարութեան, սարկեղտութին՝ ի լկտութեան,

¹⁰ Նալբանդյան Գարեգին Տբապիզոնի աշխարհաբար թարգմանության առաջարկը, էջ 19 (ընդգծումները մերն են—Վ. Ն.)։

¹¹ Տե՛ս մեր «Մարդու ճակատագրի Նալբանդյան ընկալումը» հոդվածը. «Պատմա-բանասիրական հանդես», 1986, № 3, էջ 16—26։

Ողորմութիւն՝ յանգթութեան, ապաշաւանք՝ յանյուստութեան,
 Բազմութիւն՝ ի բարկութեան, հաշտութիւն՝ ի թշնամութեան,
 Անոխութիւն՝ ի խաճանողութեան, քաջալերութիւն՝ ի լկութեան,
 Աւրճութիւն՝ ի նւտաճգութեան (բան ԱԱ, Դ)։

Նարեկացու ընկալումով այսպիսին է, ահա, աշխարհն ու կյանքը՝ ներհակ ու վանող, բայց և դրալիչ ու առինքնող, ուր վատից, արատավորից, մերժելիից դատ, վշտից ու տառապանքից րացի կա նաև մարդուն ուրախություն ու նրջանկություն՝ բերող լավը, րարին, լուսավորն ու գեղեցիկը։ Այս հայեցակետը չափադանց կարևոր է Նարեկացու կենսափիլիսոփայությունը բազմակողմանիորեն բնութագրելու, բանաստեղծին և առհասարակ մարդուն կյանքի հետ կապող հանգույցների ներքին զսպանակները բացահայտելու առումով։ Այստեղ հարկ ենք համարում նշելու, որ, ըստ բանաստեղծի, որքան էլ իրական աշխարհում չատ են շարիքներն ու տառապանքները, այնուամենայնիվ նա խորապես համոտում է լավի, բարու և գեղեցիկի հաղթանակին, որի լավագույն վկայությունն է դարձյալ «Մատյանի»՝ լույսով ու հույսով ողողված ավարտը, ուր, իրոք, տաք բաղձանքի հետ միասին կա ինքնօրինակ հավատի հստակ գիտակցությունը։ Միսաք Մեծարենցի նշած «Երջանիկ ձայնարկությունն», իրոք, լավում է պոեմի վերջին գլխում, ողջ քերթվածի լուսառատ ավարտի մեջ, որ սկզբունքային նշանակություն ունի «Ողբերգության մատյանի» գաղափարական բովանդակությունն ու բանաստեղծի գլխավոր միտումը ըստ ամենայնի հասկանալու համար։ Հանդարտված է արդեն բանաստեղծի խռովահոյ հույսը հոգին, խաղաղված են ծովացած կրքերը, մեղմացած, նույնիսկ ցրված են տարակուսները, հույսի ու «արդար արեգակի» պայծառ շողերով են ողողված աշխարհն ու իրերը, ետ է քաշվել քերթողի հոգին պարտուրող նախկին թանձր մոռալը... Եվ ընթերցողն այն զգացումն է ապրում, որ եթե նույնիսկ դեռ վրա չի հասել փրկության ժամը, ապա բնավ հեռու էլ չէ այն։ Այս մտայնությունը յուրովի անդրադարձվել է հենց պոեմի ավարտական գլխի սկզբում (բան ԱՆ, ա), որը, ի դեպ, առանձին վերցրած «յուսոյ տեսութիւն», «յուսոյ կերպարան», «բարեւ բերկրութիւն», «ամենեւին կենաց արհեստութիւն» Հիսուս Քրիստոսին նվիրված մի սքանչելի ներբող է՝ գրված հայոց հին հոգևոր երգի լավագույն ավանդներով և որը շնչում է միջնադարի մարդու համար բնորոշ ջերմ հավատով ու հույսով։

Արեգակն արգար, ճառագայթ արհնեալ,
 յուսոյ կերպարան, փափագ անձկութեան,
 Բարձրալ անքնին, զարեղ անպատում,
 Բարոյ լերկութիւն, յուսոյ տեսութիւն,
 Գովեալ երկնաւոր, թագաւոր փառաց,
 Քրիստոս արարիչ, խոստովանեալ կեանք... (բան ԱԵ, ա)։

Հենց այս յուրատեսակ լուսեղեն հույսով էլ ընթերցողը փակում է անբավ հեծեծանքներով լի, բայց փրկության հաստատուն խարսխին հենված մեծ քերթողի «Ողբերգության մատյանը», աշխարհի բոլոր նեղյալների ու տառապյալների հոգեկան ու մարմնական ցավերն ամոքող հուշակալոր «Նարեկը»...

2

Ինչպես անցյալի ամեն մի նշանավոր ստեղծագործողի ու մտածողի, այնպես էլ հայ Վերածնության խոշորագույն ներկայացուցիչ Գրիգոր Նարեկացու փիլիսոփայական աշխարհայեցությանը հատկանշական է խորապես գիտակցված ակտիվ քննական վերաբերմունքը ոչ միայն ժամանակակից իրականության, այլև գալիքի հեռանկարի, ապագա կյանքի ու նրա կարևոր խնդիրների նկատմամբ։ Անտարակույս է, որ նաև այս հանգամանքով է պայմանավորված Նարեկացու քերթողական ժառանգության դարակազմիկ արժեքը ինչպես ազ-

զային գեղարվեստական մտածողության զարգացման առումով, այնպես էլ առհասարակ միջին դարերի ողջ հայ մտավոր կյանքի առաջընթացի հիմնական միտումների և օրինաչափությունների բնութագրման տեսակետից:

Վերը մենք արդեն տեսանք, թե ինչպես ըստ էության շրջանցելով կամ մերժելով ժամանակի համար բնորոշ, քրիստոնեական վարդապետության պարտադրած պասսիվ հայեցողականությունը (դոգմատիկ մի հայեցողություն, որի հիմքը, անկասկած, նույն վարդապետության դավանած հնազանդության ու համակերպության մտայնությունն էր), նարեկացին ժամանակի չկարգավորված, աններդաշնակ, իր ընկալումով՝ փաստորեն հակաբնական ու հակաբանական իրականության կնճռոտ ու ներհակ երևույթներին մերձեցել է ինքնահատուկ քննական հայացքով՝ աշխատելով խորամուխ լինել դրանց բուն էության մեջ, կռահել կյանքի խիստ անտրամաբանական իրողությունների իրական պատճառները: Բայց այստեղ առանձնապես ուշադրավ է այն, որ աշխարհն ու կյանքը իր հումանիստական իդեալի բարձունքից ու մարդկության ապագայի հայեցակետից քննող ու գնահատող քերթողը չի բավարարվել իրականության բացասական կողմերը մատնանիշ անելով ու դատապարտելով միայն (թեև այդ էլ միանգամայն բավական էր նշանավոր ստեղծագործող հորջորջելու համար), այլև, ինչպես հաստատում է փաստերի անկողմնակալ քննությունը, առաջադրել ու բավականին հետևողականորեն պաշտպանել է իր միանգամայն ռոշակի իդեալը աշխարհի ու նրա ապագայի մասին, որը, եթե մի կողմից սերտորեն աղերսվում է քրիստոնեության հայտնի սկզբունքներին, ապա մյուս կողմից խարսխված է բանաստեղծի սոցիալ-հասարակական առաջադեմ մտայնության, ավելի կոնկրետ՝ նրա հումանիստական աշխարհայեցողության ամուր հիմքի վրա:

Արդ, տեսնենք, թե ինչպիսին է նարեկացու պատկերացրած ապագա աշխարհը, ո՞րն է նրա իդեալը: Բանաստեղծն այս առթիվ, իհարկե, որևէ ամբողջական, տեսականորեն հիմնավորված դրույթ չի թողել և միանգամայն հասկանալի է, որ խիստ անարդար ու անբնական բան կլիներ նրան նման պահանջ առաջադրելը: Քերթողն իր գաղափարներն արտահայտել է պոեմի տարբեր հատվածներում ցրված քնարական գեղեցիկ ու տպավորիչ խոհերի միջոցով, որոնց ներքին կապերի բացահայտումը հնարավորություն է ընձեռում հաստատորեն պնդելու, որ աշխարհի չկանոնարկված, աններդաշնակ վիճակից խորապես դժգոհ բանաստեղծը կանգ չի առել կես ճանապարհին, լըրջորեն խորհել է մարդու և մարդկության ապագայի մասին՝ առաջ քաշելով աշխարհի բարեփոխման գաղափարը, երազել է մի իրականություն, որ զերծ լիներ էլ լինի ամեն կարգի չարիքներից ու կապանքներից, արատներից ու բռնություններից: Նարեկացու իդեալ եղել է մի աշխարհ, ուր համակ պիտի թագավորի, ինչպես կարծում է նա, միայն արդարն ու բարին, ճշմարիտն ու գեղեցիկը: Այստեղ անպայման պետք է հիշել, սակայն, որ բանաստեղծն իր ժամանակի ծնունդն էր և ժամանակակիցների հետ պիտի խոսեր նրանց միանգամայն հասկանալի լեզվով և, բնականաբար, հաշվի նստելով միջնադարյան մարդու ինքնահատուկ ըմբռնումների ու պատկերացումների հետ (որոնց հետ ինքը, նարեկացին ևս, պիտի կարծել, միանգամայն ներդաշնակ էր), աշխարհի մասին իր խորապես հումանիստական իդեալի իրականացումը պիտի կապեր աստվածային զորության, աստծու ողորմածության ու մարդասիրության հետ: Հիշենք, որ այն դարերում այսպես էին մտածում անգամ համոզված ու հետևողական աղանդավորները, ինչպես, ասենք, թոնդրականները, որոնք ևս իրենց իդեալի ու ձգտումների կատարման համար ուղղակի ապավինում էին աստծուն, առանց եկեղեցու միջնորդությունը հայցելու: Այն գարում պալատականներն այսպես պիտի լինեին, այլ կերպ լինել չէր կարող, բայց դրանից բնավ չի փոխվում հարցի էությունը, չի ստվերվում նարեկացու խորապես հումանիստական իդեալի բուն բովանդակությունը:

Աշխարհը բարեշրջված տեսնելու մեծ երազանքն ու ձգտումը (Շխաբդինի ձմերուկը հողմոյն խստութեան ի յաւդ հանդարտութեան...», բան լի, դ) այլևայլ ձևակերպումներով արձագանք են գտել Շխաբդինի մատյանի»

տարբեր գլուխներում՝ հաճախ գուգակցվելով աստծու կամ. նրա միածին որդու ջերմեկոտանդ փառաբանությունը, որ միանգամայն հասկանալի է, քանզի նրանց ձեռքով պիտի իրականանա այդ բաղձալի բարեշրջումը, ինչպես կարծում է բանաստեղծը:

Աշխարհի բարեշրջման, այն արմատապես բարեփոխված տեսնելու գաղափարի մեծ գինվորյալը յուրօրինակ մի «երկրային դրախտ» ստեղծելու համառ ձգտում է հանդես բերում, գտնելով, որ այնտեղ իսպառ պիտի վերացվեն աշխարհն ապականող, մարդու էությունը խաթարող, մարդկային երջանկության ուղին խոչընդոտող, «կենսագործվելու», իրական կյանքն ամբողջությամբ ըմբռնելու բոլոր արգելքները: Ընդ որում, քերթողն այստեղ նկատի ունի ինչպես սոցիալ-հասարակական, այնպես էլ բարոյահոգեբանական բնույթի հանգամանքները: Նարեկացու երազած աշխարհում ասպարեզից «հերքեալ եւ հալածեալ» սիրտի շքանա «բանասարկուն շարեաց», պիտի «ջրեսցին մեղքն, պատառեցին պարտիքն», «խղին կապանք, խորտակին շղթայք», «հալածին գևր, հնչին յանցանք», պիտի ապաքինություն գտնեն բոլոր հիվանդներն ու տկարները, «ողջանան վէրք», անգամ՝ «կենդանածին մահացեալք», պիտի վերացվեն «ապականութիւնք», թախիծը պիտի ընկրկի, պիտի «նահանջին հեծութիւնք», «լուծցին որոգայթքն գաղտնածածուկք սատանայականք», մեղկանան շարի խարդավանքները, «գացին նենգողին ծուղակք», «նզովեսցին բռնաւորին շարաբանութիւնք», «կտրեսցին լար խաբեութեան ի մահ որսողին», «անկցին սուսեր մահաբերին», «բաժանեսցին ազինք աւազակացն», պիտի «փարատի մռայլն», «վերանայ մութն, գնայ գիշերն», և այլն, և այլն... Բանաստեղծը մեծ կրքով տեսնում է. «Եւ եղիցի՝ նշոյլ առաւաւտու հոգւոյ գարնայնոյ»¹²:

Հարկ ենք համարում ստորև «Մատեան ողբերգութեան» պոեմի տարբեր գլուխներից քաղվածաբար մեջ բերել մեզ հետաքրքրող հարցին վերաբերող առավել բնորոշ հատվածները, որոնք, իսկապես, այնքան պարզ ու ինքնախոս են, այնպիսի անմիջականությամբ են բացահայտում հեղինակի նվիրական բաղձանքները, նրա խոհերի ու զգացմունքների բուն էությունը, որ թրվում է, թև միանգամայն ավելորդ են դառնում այլ պարագաներում այնպես անհրաժեշտ մեկնաբանությունները:

Եւ յայքանեացս ամենից բիրուց բարութեանցս ի քէն եղելոց
Մեծասցի՝ անուն հզարիդ՝ խնկեալ եւ խոստովանեալ,
Ամաշեսցէ՝ բանաբաւուն շարեաց՝ ճեմեալ եւ հալածեալ,
Ունայնասցի՝ն մուրհակք մեղացս,
Խցեսցի՛ն խաղբեւ, որոշեսցի՛ն որոգայթեւ,
Կապեսցի՛ն կապանքեւ, վանեսցի՛ վիճեւ,
Վերտցի՛ն վնասըն, պարսեսցի՛ն պատրանքն,
Ջրեսցի՛ն մեղքեւ, պատառեսցի՛ն պարտիքս,
Խորտակեսցի՛ լուծեւ, փակեսցի՛ն փեղիքեւ:

Վանական բանաստեղծը երազում է.

Եւ ընդ մռայլ մթութեան շարեացն յանցանաց
Եւ դիացն բանակաց պաշարողաց՝
Արև՝ փառաց բոց ժամանեսցէ՝
Կեցուցանել, փրկել եւ լուսաւորել

¹² Այստեղ պետք է նշել, որ իր խոհերը շարադրելով բանաստեղծը երբեմն խոսում է իր անձի անունից, ինչպես, ասենք, «ունայնասցին մուրհակք մեղացս», «բարձցին վրտանգք մեղուցեալ դատապարտելոյս» և այլն, բայց տարակուսից վեր է, որ ինչպես առհասարակ այլուր, այնպես էլ սույն պարագայում նրա խոսքը վերաբերում է հանուրին, քերթողն արեարծում է հանրությանը վերաբերող խնդիրներ:

Ցաղմէ եւ յահեկէ, ի դիմաց եւ ի թիկանց,
 Եւ եղիցի՝ նշոյլ առաւառու հոգոյ՝ զարնայնոյ՝
 Ընդ ակնկալութեան սպասողացն քումդ երեւման:
 Զի դու ես բարերար առ ամենեւին,
 Եւ հնարաւոր են քեզ ամենայնք,
 Եւ ամենեցուն զկեալն կամիս եւ զփրկութիւնն բաղձաս (բան ԼԹ, Լ):

Հիշենք և Հիսուսին հասցենազրված աղերսանքը.

Որդի աստուծոյ կենդանոյ, արհնեալ յամենայնի,
 Հաւրդ ահաւորի անքնին ծնունդ,
 Որ տկարանայ առ ի քէն եւ ոչ ինչ,
 Որ ի ծագել անստուեր, նշողից ողորմութեան քո փառաց
 Հալին մեղք, հալածին դեմք, շնչին յանցանք,
 Խեղճ կապանք, խորտակին շղթայք,
 Կենդանածնի մահացեալք, բժշկին հաւաւածք,
 Ողբանալ վէրք, բառնին ապականութիւնք,
 Տեղի տան տխրութիւնք, նահանջին հեծութիւնք,
 Փախնու խաւարն, մեկնի մէզն,
 Մերժի մտախաղն. փառաւոր մոսյն,
 Սպառի աղքատաւորն, վերանայ մութն, զնայ զիշերն,
 Տաւազդի տաղանայն, չափան չարիքն, հալածին յաւանաւորութիւնք,
 Լուրջաւորէ ձեռն քո ամենակար. քաղիչ ամենայնի (բան հԱ, ա):

Ավելորդ չենք համարում մեջ բերել բանաստեղծի կարևոր մտորումների մի շարք ևս, որոնք վերաբերելով աշխարհի ապագայի նույն մտադրույթին, թվում է, թե նպաստում են ավելի ամբողջական ձևով բացահայտելու նարեկացու հումանիստական մեծ գաղափարի տարբեր ասպեկտները:

Եւ յայսմ անպարտ եւ անպատիր
 Եւ անվանելի արուեստից ահաւորիդ մեծութեան՝
 Լուծցի՛ն որոգայթքն զաղտնածածուկք սատանայականք,
 Կապտեցի՛ն մեքենայքն, վատնեցի՛ն զայթաղութիւնքն,
 Խոստառակեցի՛ն խաղբիցն դուրսիւնք,
 Յայտնեցի՛ն երեսյթք որսոյն,
 Իտցի՛ն նենգողին ծուղակք,
 Վերացի՛ն վարմին վերարկութիւնք,
 Տոշորեցի՛ն որոմանցն բոյսք,
 Նզովեցի՛ն քանաւորին չարարանութիւնք,
 Կտրեցի՛ լար խաբէութեան ի մահ որսողին,
 Պարսեցի՛ն պատրողին քանսարկութիւնք,
 Պակասեցի՛ն զէնք գրպարառողին,
 Անկցի՛ն սուսերք մահաբերին...
 Ռամանեցի՛ն Խաղաղականք,
 Քայքայեցի՛ն բոյլք քարքարոսացն...¹³
 Փշրեցի՛ն ամբարհաւանութիւնք հպարտացելոցն,
 Նահանջեցի՛ն դիմեցմունք ճակատելոցն,
 Քակտեցի՛ն միաբանութիւնք զաւրացն Ռելիարայ...
 Յեղանակեցի՛ն ձմերունք ձանձրացուցչին,
 Հառցի՛ կսպն կցորդութեան մշտաշան աւազակին,

¹³ Թվում է, թէ նարեկացին այս տողերով ուղղակի ակնարկում է օտարի լծից ու ավազակային հարձակումներից դարեր շարունակ տուժող ու տառապող իր տարաբախտ ժողովրդի ծանր սակատարները, միաժամանակ փառաբանելով այն փոխված տեսնելու անմար հույսը:

նողկասցի՝ մտացս կայից համբոյր շողորթին,
Բնդսիյեալ մեկնեացի՝ն նետաձգութիւնք նեղչին,
Կացցե՛ ի սասանման նաւ խարդախողին,
Լուսցի՛ն յարմատոց անտի ատամունք խածանողին (բան Դ, դ)։

Նյարեւոր խորհուրդ ունի, տնշուշտ, այն պարագան, որ ողջ պոեմի ընթացքում մշտապես իր ուշադրության կենտրոնում պահելով կյանքն ու աշխարհը՝ բարեշրջված, ամեն կարգի արատներին, կեղծիքներին ու խարդավանքներին, անիրավություններին ու անարդարություններին զերծված տեսնելու գաղափարը, բանաստեղծը դրան վերստին անդրադառնում է պոեմի ավարտական, ՂԵ գլխում, որով, ասես, մեկ անգամ ևս հատուկ շեշտում, հավաստում է գաղափարի հույժ կարեւորությունը, կրկին ընդգծում նրա նշանակությունը իր «Ողբերգության մատյանի» փիլիսոփայական, սոցիալ-հասարակական բովանդակության տեսակետից։

Եւ վասն արեանդ պատուականի՝
Միշտ մատուցելոյ ի հաճութիւն կամաց առաքչիդ,
Ռարձցի՛ն վտանգք մեղուցեալ դատապարտելոյս,
Թողցի՛ն պարտիքն, ապաքինեացի՛ ամաթն,
Մոռացի՛ն պատկառանքն, բարեգործեացի՛ն դատակնիքն,
Սատակեցի՛ն որդունքն, վերացի՛ լաւն,
Հանդարտեցէ՛ կրճումն ատամանցն,
Ոպառեցի՛ն ողբքն, հատցի՛ն արտասուքն,
Մերժեցի՛ սուգն, հալածեցի՛ խաւարն,
Վատնեցի՛ հուրն սաստկութեան,
Հերքեցի՛ն տանջանարանքն բաղմաւրինակք (բան ԴԵ, բ)։

Բանաստեղծի շուրթերից նույն լուսավոր բաղձանքներն ենք լսում «Մատյանի» վերջին գլխի ավարտական հատվածում.

Եկեցե՛ն զթութիւնք կամողիդ,
Եւ պարգևողիդ կենաց ամենից,
Ծաղկեցի՛ լուսդ, արագեցէ՛ փրկութիւնդ,
Հասցէ՛ ազնութիւնդ, ժամանեցէ՛ այցելութիւնդ,
Կանխեցէ՛ ցաւդ ողորմութեան,
Յառաջեցէ՛ արբուցէ՛ զանդաստանս պասքեալ՝
Անկեալ ոսկերացս թշուառութեամբ ի վիհն մահու։
Ծաղկեցուցէ՛, սլողարեւեցէ՛
Ռամակդ երկնաւոր արեան կենարարիդ,
Զերկիրս խնամեալ աւուրն լուսոյ... (բան ԴԵ, գ)։

Աշխարհի և մարդու ու մարդկության ապագայի վերաբերյալ առաջ քաշած իր սկզբունքները քերթողը, բնականաբար, պիտի հիմնավորեր ու հավաստեր Աստվածաշնչի բարձր հեղինակությամբ, ինչպես առհասարակ նման պարագաներում արվում էր միջին դարերում։ Եվ պիտի ասել, որ Ս. Գրիգոր բանաստեղծին առատորեն ընձեռում էր այդ հնարավորությունը, որից և նա, ի հաստատություն իր մտքերի, քաղվածաբար մեջ է բերում ու տարբեր կոնտեքստներում օգտագործում է իր գաղափարին լավագույնս զուգահեռ մարդկային մտքերը¹⁴։ «Մատեան ողբերգութեան» պոեմի երկու գլուխներից (Կ և ԿԲ) վերջինք Նարեկացու աստվածաշնչային հղումներից մի քանի առավել բնորոշները. — «Նորոտակեցին բաղուկք մեղաւորի և չարի», «Սատակէ տէր զշրթունս նենգաւորս և զլեզուս մեծարանս», «Երեսք տեառն ի վերայ չարագործաց՝ մատակել զիշատակս նոցա յերկրէ», «Մի՛ անաւրէնք բնակեցին առաջի ա-

¹⁴ Դրանք հիմնականում քաղված են սաղմոսներից։

յաց քոք», «ի բաց կացէք յինէն ամենեքեան, որ դորժէք զանաւրէնութիւն», «Չառօ մաղվաղակի սատակեսցին», «Բազուկք ամպարշտաց խորտակեսցին», «Մի՛ ողորմիր գործողացն զանաւրէնութիւն», «Ատեցի զամենայն ճանապարհ չարաց», «Յամենայն ճանապարհէ՛ չարաց արգելի դոտս իմ», «Սատակին անաւրէնք և սեղաւորք ի միասին», «Կործանեսցին անաւրէնք երկրի», «Ամբարիշտն բարձցի յերկրէ», «Անիրաւք մերժեսցին ի նմանէ» և այլն, և այլն, մտքեր, որոնք, իրոք, լավագոյնս ներդաշնակում են Նարեկացու հումանիստական իդեալին, նրա սոցիալ-հասարակական իռնչերին, նրա դավանած պաամափիլիսոփայական ու էթիկական սկզբունքներին:

Այսպիսին են, ահա, Նարեկացու պատկերացումները աշխարհի ու մարդկութեան ապագայի, նրա պատմական հեռանկարի վերաբերյալ, այսպիսին է ինքը, մարդու և հանրութեան ճակատագրով խորապես ապրող ու ողջակիզվող մեր աղօթքին առաջին մեծ բանաստեղծը՝ արտնշացող ու բողոքող, Թախանձող ու ողբացող, մերժող ու դատապարտող, բայց միաժամանակ՝ ըղձացող ու երազող, պահանջող ու հաստատող...

Ապագա աշխարհի ու կյանքի մասին Նարեկացու բարձր իդեալը նրա վերածնական հումանիզմի գաղափարարանութեան մի փայլուն գրեթե զրոյացումն է:

Մի հարց ևս: Կարելի՞ է արգյոք Նարեկացու ապագա աշխարհի իդեալը, նրա պատկերացումները մարդու և մարդկութեան ապագայի վերաբերյալ բնութագրել որպէս վերածնական ուսուցիչ: Թեև նման որակումի համար բավականաչափ հիմքեր չկան, բայց նրա մտքերի ընթացքը պարզորոշ նախանշում է այն ուղին, որ ասում է գեպի վերածնական ուսուցիչի գաղափարը:

МИР И ЕГО БУДУЩЕЕ В ПРЕДСТАВЛЕНИИ ГРИГОРА НАРЕКАЦИ

Член-корр. АН АрмССР В. С. НАЛБАНДЯН

Резюме

Статья посвящена одной из существенных проблем идейного содержания величайшего памятника древнеармянской поэзии—поэмы Григора Нарекаци «Книга скорбных изнопений», вопросу о том, с какой историко-философской точки зрения, с позиций каких эстетических принципов подходил поэт к современной ему действительности и как он представлял себе будущее мира. Анализ богатого фактического материала поэмы раскрывает сущность критического восприятия феодальной действительности Григором Нарекаци. Особого внимания заслуживает то обстоятельство, что поэт, рассматривавший жизнь и будущее человечества с высот своего гуманистического идеала, не довольствовался лишь указанием на отрицательные стороны действительности и их осуждением, но и выдвигал и весьма последовательно отстаивал свой идеал будущего мира—царства добра, красоты и правды, где должны исчезнуть всякое зло и несправедливость. Человек своей эпохи, Нарекаци, естественно, связывал осуществление этой идеи с милосердием и человеколюбием всемогущего бога. Идея будущей жизни по Нарекаци с одной стороны соотносилась с его христианскими убеждениями, с другой же—опиралась на твердую почву его гуманистического мировоззрения.